



JUDICIAL SYSTEM MONITORING PROGRAMME

PROGRAMA MONITORIZASAUN SISTEMA JUDISIÁL

Komunikadu Imprensa

05 Fevereiru 2013

Parlamentu Nasionál hahú diskusaun jenerálide ba Proposta Orsamentu Jerál tinan 2013

Parlamentu Nasionál iha 4 Fevereiru 2013, hala'o plenária primeíriu diskusaun jenerálide proposta lei orsamentu jerál estadu ba tinan 2013. Tuir ajenda diskusaun ne'e sei hala'o to'o 06 Fevereiru 2013 antes tama iha sesaun epesialidade.

Diskusaun ne'e apresenta oficialmente husi Primeíru Ministru Xanana Gusmão. Iha nia intervesaun haktuir katak total orsamentu ne'ebé governu propoin \$. **1.797,52** milhoens ho pontus prioridade ba tinan ida ne'e mak foku liu ba setór infrastrutura, agrikultura, saude nomós ba edukasaun.

Iha oportunidade ne'e, representante bankada sira hato'o sira nia deklarasaun política hodi fó sira nia pontu de vista ba planu orsamentu ne'ebé governu apresenta. Hosi intervensaun hirak ne'e, ko'alia liu kona-ba hadi'a sistema política fiskal, qualidade infrastrutura, fortaleza instituisaun estadu no hamenus dezempregu.

JSMP enkoraja deputadu sira hodi uza sira nia poder konstitusionál hodi halo observasaun krítika ba alokasaun orsamentu ne'ebé bele fó importânsia liu ba nesesidade báziku povu ninian iha futuru, dehan Diretór Ezekutivu JSMP Luis de Oliveira Sampaio.

Aleinde ne'e, bazeia observasaun husi JSMP ninian iha sesaun ikus liu Komisaun C ne'ebé kaer ba asuntu Finanças Pública apresenta mós relatóriu apresiasaun final Orsamentu Jerál Estadu ba meja Parlamentu Nasionál.

Atu hetan informasaun kle'an liu tan favor kontaktu:

Luis de Oliveira Sampaio
Diretór ezekutivu JSMP
Email: luis@jsmp.minihub.org
Landline: 3323883 / 77810637
www.jsmp.tl